

**Bosna i Hercegovina  
Federacija Bosne i Hercegovine  
Tuzlanski kanton  
Grad Tuzla**



**Služba za ekonomski razvoj, poduzetništvo  
i poljoprivredu**

Na osnovu člana 5. Odluke o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 01/19, 7/20, 5/21,4/22 i 2/24), a u vezi sa Programom utroška sredstava iz Budžeta Grada Tuzle za 2024. godinu sa pozicije-Tekući grant za finansiranje projekata iz oblasti poduzetništva, broj: 04/11-10202-2024, od 4.7.2024.godine i Programom utroška sredstava iz Budžeta Grada Tuzle za 2024. godinu sa pozicije-Grant organizacijama iz oblasti poljoprivredne proizvodnje, broj: 04/11-10203-2024, od 4.7.2024. godine, Služba za ekonomski razvoj, poduzetništvo i poljoprivredu Grada Tuzle, dana **8.7.2024. godine**, objavljuje:

**JAVNI POZIV**

**za dodjelu finansijskih sredstava iz Budžeta Grada Tuzle za 2024. godinu, za podršku projekata neprofitnih organizacija po LOD metodologiji, u okviru sredstava: Tekućeg granta za finansiranje projekata iz oblasti poduzetništva i Granta organizacijama iz oblasti poljoprivredne proizvodnje**

**I - Predmet Javnog poziva**

Predmet ovog Javnog poziva je dodjela finansijskih sredstava iz Budžeta Grada Tuzle za 2024. godinu, za projekte neprofitnih organizacija, sa sljedećih pozicija:

- Tekući grant za finansiranje projekata iz oblasti poduzetništva-ekonomski kod 614311/49 i
- Grant organizacijama iz oblasti poljoprivredne proizvodnje-ekonomski kod 614311/17.

Dodjela finansijskih sredstava se vrši u skladu sa Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 01/19,7/20,5/21,4/22 i 2/24), u daljem tekstu (Odluka).

**II - Prioritetne oblasti za finansiranje**

Grad Tuzla putem Službe za ekonomski razvoj, poduzetništvo i poljoprivredu poziva neprofitne organizacije registrovane na području Bosne i Hercegovine, koje će svoje projektne aktivnosti realizovati na području grada Tuzle i u interesu građana i drugih subjekata iz Tuzle, da dostave prijedlog projekta koji treba biti u skladu sa općim ciljevima predviđenim Programima utroška sredstava na kojima se temelji ovaj Javni poziv, a koji su bliže naznačeni u Smjernicama za aplikante, dostupnim u prilogu ovog Javnog poziva.

Sredstvima iz ovog Javnog poziva podržat će se projekti neprofitnih organizacija, koje djeluju u oblasti poduzetništva i poljoprivrede, kao prioritetnim razvojnim oblastima prema važećem strateškom dokumentu grada Tuzle.

**III – Iznos sredstava za finansiranje projekata:**

Za dodjelu sredstava putem ovog Javnog poziva u Budžetu Grada Tuzle za 2024. godinu planirana su sredstva na pozicijama:

**-Tekući grant za finansiranje projekata iz oblasti poduzetništva-ekonomski kod 614311/49, u iznosu od 30.000,00 KM i**

**- Grant organizacijama iz oblasti poljoprivredne proizvodnje-ekonomski kod 614311/17, u iznosu od 20.000,00 KM.**

Aplikanti su obavezni u aplikaciji navesti ukupan iznos projekta, te iznos sredstava koji se traži od Grada Tuzle.

Jedna neprofitna organizacija (aplikant) može podnijeti samo jedan projektni prijedlog i to samo za jednu prioritetnu oblast obuhvaćenu ovim Javnim pozivom (ili za oblast poduzetništva ili za oblast poljoprivrede).

Zainteresirane neprofitne organizacije mogu sufinansirati projekat koji apliciraju ili dio sredstava osigurati od drugih donatora.

Grantom koji se dodjeljuje u okviru ovog Javnog poziva mogu se finansirati administrativni troškovi pod kojim se podrazumijevaju: ljudski resursi, putovanja/prevoz, kancelarijski troškovi. Administrativni troškovi mogu iznositi do 20% ukupnih troškova projekta, odnosno do 20% iznosa sredstava iz Budžeta Grada Tuzle.

Grad Tuzla zadržava pravo da ne dodijeli sva raspoloživa finansijska sredstva koja su predmet ovog Javnog poziva, ukoliko po Javnom pozivu ne bude zaprimljen dovoljan broj kvalitetnih projekata, koji zadovoljavaju kriterije utvrđene važećom Odlukom navedenom u tački I, stav 2. ovog Javnog poziva.

#### **IV - Aplikanti koji imaju pravo na podnošenje prijave:**

Učešće u raspoređivanju sredstava za podršku projekata putem ovog Javnog poziva mogu ostvariti neprofitne organizacije (udruženja, fondacije, te privredne komore), registrovane/osnovane na području BiH u skladu sa važećim zakonskim propisima u BiH (daljem tekstu: aplikanti).

Aplikanti iz prethodnog stava mogu ostvariti pravo na sredstva iz ovog Javnog poziva, uz sljedeće uslove utvrđene važećom Odlukom navedenom u tački I, stav 2. ovog Javnog poziva:

- da projektne aktivnosti realizuju na području grada Tuzle i u interesu građana i drugih subjekata iz Tuzle,
- da se projektne aktivnosti odnose na prioritetna područja odnosno podoblasti u oblasti poduzetništva, te u oblasti poljoprivrede, kako su navedene u ovom Javnom pozivu,
- da ne obavljaju aktivnosti u ime političkih partija,
- da im je registrovana djelatnost odnosno ciljevi osnivanja i programske aktivnosti u skladu sa prioritetnom oblastu u okviru koje će implementirati projekat kojim se prijavljuju na ovaj Javni poziv,
- da posjeduju odgovarajuće materijalno-tehničke i kadrovske pretpostavke, kao i iskustvo u realizaciji projekata u oblasti u okviru koje će se realizovati projekat koji prijavljuju na ovaj Javni poziv.

#### **V – Uputstvo za prijavu projekata**

Zainteresirane neprofitne organizacije detaljne informacije o uslovima za apliciranje, kriterijima za finansiranje projekata, dokumentaciji koja se predaje uz prijavu na Javni poziv, periodu realizacije projekta, minimalnoj i maksimalnoj visini sredstava koja se dodjeljuje po projektu, nazivu tijela za ocjenjivanje projektnih prijedloga, rokovima i načinu objavljivanja rezultata provedenog javnog poziva, te propisanim obrascima koji se predaju uz prijavu, mogu pronaći u Smjernicama za aplikante u okviru ovog Javnog poziva i iste su u prilogu teksta ovog Javnog poziva.

#### **VI - Prijavna dokumentacija**

Ispunjena prijava sa neophodnom dokumentacijom dostavlja se u zatvorenoj koverti u jednom štampanom

primjerku, lično putem protokola u Centru za pružanje usluga građanima (Šalter sala) Grada Tuzle ili poštom preporučeno.

Prijava treba sadržavati sljedeće dokumente:

- a) projektni prijedlog,
- b) pregled budžeta,
- c) logički okvir rada,
- d) plan aktivnosti i promocije,
- e) administrativne podatke o aplikantu,
- f) finansijsku identifikacionu formu,
- g) popunjenu i potpisanu izjavu o podobnosti,
- h) izjavu o partnerstvu potpisanu od aplikanta i partnera na realizaciji projekta (ukoliko je predviđena realizacija projekta u partnerstvu),
- i) popunjen obrazac liste za provjeru.

Dotatna dokumentacija je važan dio projektne dokumentacije i treba biti dostavljena uz aplikaciju kako bi prijava mogla biti vrednovana i ocijenjena.

Dotatna dokumentacija obuhvata sljedeće:

- a) rješenje o registraciji za aplikanta i partnera ako postoji (original ili ovjerena kopija rješenja),
- a) kopija izvoda iz službenog glasila u kojem je objavljen zakon kojim je propisana obaveza osnivanja privredne komore (odnosi se na aplikante koji su iz skupine privredne komore)
- c) identifikacijski broj (kopija),
- d) kopija lične karte ili uvjerenja o državljanstvu za odgovornu osobu upisanu u sudski registar ili odluku skupštine o imenovanju,
- e) opisni izvještaj o realiziranim projektima za prethodnu godinu za ranije osnovane organizacije, odnosno program rada za tekuću godinu za novoosnovane organizacije,
- f) uvjerenje nadležne Porezne uprave o izmirenim obavezama prema javnim prihodima (original ili ovjerena kopija, ne starije od 30 dana od dana objave Javnog poziva),
- g) završni godišnji finansijski izvještaj za prethodnu godinu (bilans stanja i bilans uspjeha), osim ako je udruženje registrovano u godini objavljivanja Javnog poziva (kopija),
- h) podaci o osobama koje realizuju projekat (kraći CV).

## **VII - Preuzimanje dokumentacije, način prijavljivanja, mjesto i rok za dostavu prijave na Javni poziv**

Set dokumentacije za prijavu na ovaj Javni poziv kao i Smjernice za aplikante mogu se preuzeti na zvaničnoj internet stranici Grada Tuzle ([www.grad.tuzla.ba](http://www.grad.tuzla.ba)) a nalaze se u prilogu teksta Javnog poziva. Dokumentacija se može preuzeti za vrijeme dok je otvoren Javni poziv.

Prijave se dostavljaju u jednom štampanom primjerku, u zatvorenoj kovrti, preporučenom poštom ili se predaju lično u Centar za pružanje usluga građanima (Šalter sala) u zgradi Gradske uprave, radnim danima (ponedjeljak–petak), u periodu od 8,00 do 15,30 sati, na adresu:

GRAD TUZLA  
Služba za ekonomski razvoj, poduzetništvo i poljoprivredu  
Ul. ZAVNOBiH-a broj 11,  
75 000 Tuzla

sa naznakom:

„Prijava na Javni poziv za dodjelu finansijskih sredstava neprofitnim organizacijama iz Budžeta Grada Tuzle za 2024. godinu, sa budžetske pozicije:

---

(na crti iznad navesti naziv granta na koji se odnosi prijava)

- Ne otvarati prije zvaničnog otvaranja - „

Javni poziv ostaje otvoren 21 dan od dana objavljivanja, a **krajnji rok za predaju aplikacija je 29.7.2024. godine**. Aplikacije koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Aplikacije poslane na bilo koji drugi način (npr. faksom ili e-mailom) neće biti uzete u razmatranje. Vanjska strana koverta mora sadržavati naziv javnog poziva, naziv granta na koji se aplicira, puno ime i adresu aplikanta, puni naziv projekta i naznaku „Ne otvarati prije zvaničnog otvaranja“.

Informativni sastanak u vezi ovog Javnog poziva (info dan) održat će se dana 17.7.2024. godine (srijeda), u 11,00 sati, u Sali za sastanke u prizemlju glavne zgrade Gradske uprave Tuzla.

Tokom informativnog sastanka potencijalni aplikanti bit će detaljnije upoznati sa načinom prijavljivanja i popunjavanja projektne aplikacije, kriterijima i ostalim pitanjima bitnim za pravilno apliciranje i učešće u ovom Javnom pozivu.

U slučaju da su potrebne dodatne informacije i pojašnjenja, potencijalni aplikanti mogu kontaktirati Službu za ekonomski razvoj, poduzetništvo i poljoprivredu, putem telefona broj: 035/307-380 i 307-387, ili slanjem upita putem e-mail-a: [nevresk@tuzla.ba](mailto:nevresk@tuzla.ba), [dijanad@tuzla.ba](mailto:dijanad@tuzla.ba) sa naznakom: „Javni poziv“, najkasnije do 5 dana prije zatvaranja javnog poziva. Odgovori na upite će biti dostavljeni u elektronskoj formi najkasnije u roku od tri radna dana od prijema upita.

**Služba za ekonomski razvoj, poduzetništvo i poljoprivredu**